

– Stuora árvu

Filbmadahkkít Ken Are Bongo ja Elle Sofie Henriksen oažžuba ollu rámi oanehisfilbmii maid leaba ráhkadan ovttas.

MUITALEIGGA FILMMA
BIRRA: Elle Sofie Henriksen
ja Ken Are Bongo beasaiga
muitalit iežaska oanehis
dánsunfilmma birra.)

ÁNTE JOVNA GAUP

– Dušše muhtin filmmat válljejuvvojit «Blátt Lerret» lágideapmái, de lea somá leat válljejuvvon. Sii fertejit guid juoidá oaidnán munno filmmas, dadjá Elle Sofie Henriksen. Son lea ovttas Ken Are Bongoin ráhkadan sámi oanehis dánsunfilm-

ma «Biegga savkala ahte duoddariid duohken lea soames». Filbma lei mielde oanehisfilbmagilvvus festiválas, ja lei maid válljejuvvon «Blátt lerret» lágideapmái mielde. Dušše soames filbmadahkkít besse muitalit iežaset filmma birra doppe. – Dat lea stuoris. Lea garra gilvu beassat mielde dasa, dadjá Bongo.

Soai lohka goappežagat ožžon dušše rámi filmma ovddas. Maiddái amas olbmot leat boahtán rámidit.

Taleanttat

«Blátt Lerret» prošeaktajodiheaddji Arild Støring lohka ulbmil lágidemiin lea ahte

filbmaolbmot galget beassat deaivvadit ja humadit. Taleanttat besset čájehit filmmaideaset. Mii válljet dušše soames filmmaid, ja dat galget leat iešgudetgeláganat, muitala Støring. Son rávida Ken Are Bongo ja Elle Sofie Henriksena filmma, ja lohka filmma leat hárvemas visuella dánsunfilbman.